



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
Služba za društvene djelatnosti i investicije**

Datum: 03.03.2020. godine

**JAVNI POZIV (IDEJA + PRIJAVA + MREŽA VOLONTERA = AKCIJA)**

Shodno strateškom opredijeljenju Općine Tešanj u svrhu podrške akcijama volontiranja, pokrenut je projekat Mreža volontera. Formiran je Inicijativni odbor, te pokrenute određene aktivnosti.

Cilj je evidentiranje lica zainteresovanih za volontiranje u zajednici, njihovo umrežavanje, podrška i stvaranje baze podataka volontera sa kompetencijama, referencama i namjerama volontiranja, te mogućnostima organizovanja na zajedničkom djelovanju.

Ovim putem pozivamo zainteresovane da se prijave.

**PRIJAVITI SE MOŽETE SLANJEM OSNOVNIH PODATAKA NA e-mail:**

**volonter.tesanj@opcina-tesanj.ba.**

**DOVOLJNO JE UNIJETI IME I PREZIME TE KONTAKT TELEFON.**

**Ukoliko predlažete I AKTIVNOST, istu opisati sa procjenom troškova koje bi trebalo snijeti u okviru realizacije, potrebnim resursima, očekivanim rezultatima te značajem za zajednicu.**

**Dodatne informacije za zainteresovane: 032/650-426 i 061/450-010. ROK: 15.03.2020.g.**

Nakon završetka prijava, u okviru raspoloživih sredstava Općina Tešanj će odlučiti o podršci akciji.

Moguće je traženje dodatnih pojašnjenja od strane predlagača.

Po realizaciji prvih aktivnosti, cilj mreže volontera bit će i pružanje podrške zajednice u širim volonterskim akcijama koje će biti organizovane u narednom periodu.

**O VOLONTIRANJU**

Volontiranje je ulaganje vlastitog vremena, truda znanja i vještina kojim se bez naknade obavljaju usluge, aktivnosti i rad za opšte dobro određenih grupa i zajednice. Aktivnosti volontiranja zavise od kompetencija i namjera, a organizuju se u naučnom, sportskom, obrazovnom, kulturnom, zdravstvenom, ekološkom ili drugom aspektu, ovisno od potreba zajednice, situacije i vremena.

Volontiranje potiče na dobro. Volontiranje u zajednici je sloboda izbora, ali posjeduje potencijal izgradnje suosjećanja i solidarnosti sa drugim i drugačijim.

Volonteri su uvijek prvi. Volonteri stiču i razmjenjuju radna i životna iskustva, djeluju međusobno pomažući se, što je korist kako zajednici tako i volonterima. Često iz ovakvih aktivnosti budu razvijeni i realizovani projekti koji doprinesu rješavanju i problema samih volontera.

**KO MOŽE BITI VOLONTER:**

1) Volonter može biti svako fizičko lice/osoba ili lice sa umanjenom fizičkom sposobnosti koje volontira na prostoru F/BIH.

2) Maloljetni volonter je lice od 15 do 18 godina na koje se primjenjuju posebni principi zaštite u skladu sa Zakonom o volontiranju.

**Volontiranje je važno,**

**ZATO. Ako si stariji od 15 godina i želiš volontirati ili imaš ideju PRIJAVI SE!!!!**

**POTREBAN SI NAM!!!**

**NAPOMENA:** Volontiranje nije obavezno. Volonteri koji su prijavljeni ranije, ne moraju to činiti ponovo. Za volontere učesnike akcija, bit će urađena posebna evidencija, te na kraju volonterskih projekata biti izdane i odgovarajuće knjižice kao dokaz o volontiranju.

Dostavljeno

1.Naslovu,

2.a/a



**POMOĆNIK OPĆINSKOG NAČELNIKA**

Azra Muslija, dipl.pravnik